

欽定四庫全書薈要

史部
正史類

吉林出版集團有限責任公司
海天出版社

目次

書名	卷次	頁次	作者
欽定明史	卷五六—卷一〇四		清・聖祖仁皇帝特徵 四方之士分司編纂 世宗憲皇帝復命釐定 高宗重加筆削而後成書
卷五六		一五〇—一	
志第三二 禮一〇			
卷五七		一五〇—一二	
志第三三 禮一一			
卷五八		一五〇—一九	
志第三四 禮一二			
卷五九		一五〇—二六	
志第三五 禮一三			
卷六〇		一五〇—三六	
志第三六 禮一四			
卷六一		一五〇—五三	
志第三七 樂一			
卷六二		一五〇—六五	
志第三八 樂二			

書名	卷次	頁次	作者
卷六三 志第三九 樂三 卷六四 志第四〇 儀衛 卷六五 志第四一 輿服一 卷六六 志第四二 輿服二 卷六七 志第四三 輿服三 卷六八 志第四四 輿服四 卷六九 志第四五 選舉一 卷七〇 志第四六 選舉二 卷七一 志第四七 選舉三		一五〇—一八六 一五〇—一〇四 一五〇—一一〇 一五〇—一二一 一五〇—一三一 一五〇—一四六 一五〇—一五七 一五〇—一六八 一五〇—一八〇	

書名	卷次	頁次	作者
卷七二 志第四八 職官一		一五〇—一九一	
卷七三 志第四九 職官二		一五〇—二一二	
卷七四 志第五〇 職官三		一五〇—二三八	
卷七五 志第五一 職官四		一五〇—二五〇	
卷七六 志第五二 職官五		一五〇—二六五	
卷七七 志第五三 食貨一		一五〇—二八〇	
卷七八 志第五四 食貨二		一五〇—二八九	
卷七九 志第五五 食貨三		一五〇—三〇〇	
卷八〇 志第五六 食貨四		一五〇—三一二	

書名	卷次	頁次	作者
卷八一 志第五七 食貨五 卷八二 志第五八 食貨六 卷八三 志第五九 河渠一 卷八四 志第六〇 河渠二 卷八五 志第六一 河渠三 卷八六 志第六二 河渠四 卷八七 志第六三 河渠五 卷八八 志第六四 河渠六 卷八九 志第六五 兵一		一五〇—三二九 一五〇—三四五 一五〇—三六〇 一五〇—三八一 一五〇—四〇〇 一五〇—四一七 一五〇—四二七 一五〇—四四四 一五〇—四六三	

書名	卷次	頁次	作者
卷九〇		一五〇—四七六	
志第六六 兵二			
卷九一		一五〇—四九一	
志第六七 兵三			
卷九二		一五〇—五〇五	
志第六八 兵四			
卷九三		一五〇—五二一	
志第六九 刑法一			
卷九四		一五〇—五三八	
志第七〇 刑法二			
卷九五		一五〇—五五四	
志第七一 刑法三			
卷九六		一五〇—五六三	
志第七二 藝文一			
卷九七		一五〇—五七八	
志第七三 藝文二			
卷九八		一五〇—五九七	
志第七四 藝文三			

書

名

卷

次

頁

次

作

者

卷九九

志第七五 藝文四

卷一〇〇

表第一 諸王一

卷一〇一

表第二 諸王二

卷一〇二

表第三 諸王三

卷一〇三

表第四 諸王四

卷一〇四

表第五 諸王五

一五〇—六一二

一五〇—六三〇

一五〇—六五〇

一五〇—六七〇

一五〇—六九二

一五〇—七〇五

欽定四庫全書薈要

史部
明史卷五十六

詳校官編修臣繆晉



欽定四庫全書薈要卷六千六百四十九 史部

明史卷五十六

大學士張廷玉等奉 敕修

第三十二

禮十 嘉禮四 賓禮

巡狩

東宮監

皇長孫監國

頒詔儀

迎接詔赦儀

進書儀

欽定四庫全書

明史
卷五十六

進表箋儀

鄉飲酒禮

蕃王朝貢禮

遣使之蕃國儀

蕃國遣使進表儀

品官相見禮

庶人相見禮

巡狩之制永樂六年北巡禮部行直省凡有重事及四夷來朝與進表者俱違行在所小事違京師啟聞車駕將發奏告天地社稷太廟孝陵祭大江旗纛等神較祭於承天門緣塗當祭者遣官祭將至北京設壇祭北京

山川等神車駕至奏告天地祭境內山川扈從馬步軍五萬侍從五府都督各一吏戶兵刑四部堂上官各一禮工二部堂上官各二都察院堂上官一御史二十四給事中十九通政大理太常光祿鴻臚堂上官共二十翰林院內閣官三侍講修撰典籍等官六六部郎官共五十四餘不具載車駕將發宴郡臣賜扈從官及軍校欽至北京宴羣臣耆老賜百官及命婦欽所過郡縣官吏生員耆老朝見分遣廷臣覈守令賢否即加黜陟給

欽定四庫全書

明史
卷五十六

事御史存問高年賜幣帛酒肉嘉靖十八年章承天先期親告上帝於元極寶殿同日告皇祖及睿宗廟遣官分告北郊及成祖以下諸廟社稷日月神祇駕出正陽門后妃輦轎從錦衣衛設欽製武陣駕衛卒八千奉輦輦執儀仗衛指揮前驅武重臣二員留守兵部尚書參贊機務各賜敕行事分命文武重臣出督宣大薊州山海關行九邊亦各賜敕皇城及京城諸門皆命文武大臣各一員坐守設警備扈駕官軍六千駕發百官吉服

送於彰儀門外扈從官軍畧如永樂時數先發在塗者免朝參惟禮兵二部鴻臚太常科道糾儀官及光祿寺從行過真定望祭北嶽帝常服從臣大臣及巡撫都御史吉服行禮衛輝遣官祭濟瀆鈞州望祭中嶽榮澤祭河禮如北嶽南陽遣祭武當山塗次古帝王聖賢忠臣烈士祠墓遣官致祭撫按三司迎於境上至行宮吉服朝見生員耆老俱三十里外迎所過王府親王常服候駕隨至行宮冕服朝見賜宴宗室不許出至承天詣獻

欽定四庫全書

明史
卷五十六

皇帝廟謁告越四日行告天禮於龍飛殿丹陛上奉獻皇帝配更皮弁服詣國社稷及山川壇行禮次日謁顯陵次日從駕官上表賀遂頒詔如儀回京親謝上帝皇祖皇考分遣官告郊廟社稷羣臣行禮如初東宮監國古制太子出曰撫軍守曰監國三代而下惟唐太子監國結雙龍符而其儀不著永樂七年駕幸北京定制凡常朝皇太子於午門左視事左右侍衛及各官啟事如常儀若御文華殿承旨召入者方入凡內外

軍機及王府急務悉奏請有邊警即調軍勦捕仍馳奏行在皇城及各門守衛皆增置官軍遇聖節正旦冬至

皇太子率百官於文華殿前拜表行十二拜禮表由中門出皇太子由左門送至午門還宮百官導至長安右門外文五品武四品以上及近侍官監察御史俱乘馬導至三山門外以表授進奏官至期告天祝壽行八拜禮其正旦冬至千秋節百官於文華殿慶賀如常儀凡享太廟及社稷諸神之祭先期敕皇太子攝祭其祀典

欽定四庫全書

明史
卷五十六

神祇太常寺於行在奏聞遣官行禮凡四夷來朝循例賜宴命禮部遣送行在所凡詔書至設龍亭儀仗大樂百官朝服出三山門外奉迎皇太子冕服迎於午門前至文華殿行五拜三叩頭禮升殿展讀使者捧詔置龍亭中皇太子送至午門外禮部官置詔書雲輿中文武二品以上官迎至承天門開讀如儀以鼓樂送使者詣會同館使者見皇太子行四拜禮賜宴於禮部十二年北征復定制常朝於文華殿視事文武啟事俱達北京

嘉靖十八年南巡命皇太子監國時太子幼命輔臣一人居守軍國機務悉聽啟行

皇太孫監國永樂八年帝自北京北征時皇太子已監國於南乃命皇長孫云其制每日皇長孫於奉天門始加稱皇太孫云其制每日皇長孫於奉天門左視事侍衛如常儀諸司有事具啟施行若軍機及王府要務一啟皇太子處分一奏聞行在所聖節設香案於奉天殿行禮如常儀天下諸司表文俱詣北京四夷朝貢俱送

欽定四庫全書

明史
卷五十六

五

南京武選及官民有犯大者啟皇太子小者皇長孫行之皇親有犯啟皇太子所犯情重及謀逆者即時拘執命皇親會問不服乃命公侯伯五府六部都察院大理寺會皇親再問啟皇太子候車駕回京奏請處分頒詔儀凡頒命四方有詔書有敕書有敕符丹符有制諭手詔詔赦先於闕廷宣讀然後頒行敕符等則使者齎付所授官秘不敢發開讀迎接儀各不同洪武二十六年定頒詔儀設御座於奉天殿設寶案於殿東陳中

和韶樂於殿內設大樂於午門及承天門外設宣讀案於承天門上西南向清晨校尉擎雲蓋於殿內簾前百官朝服班承天門外公侯班午門外東西內皇帝皮弁服升殿如儀禮部官捧詔書詣案前用寶訖置雲蓋中校尉擎雲蓋由殿東門出大樂作自東陞降由奉天門

至金水橋南午門外樂作公侯前導迎至承天門上鳴贊唱排班文武官就位樂作四拜樂止宣讀展讀官升案稱有制衆官跪禮部官捧詔書授宣讀官宣訖禮部

欽定四庫全書

明史
卷五十六

七

官捧置雲蓋中贊禮唱俯伏興樂作四拜樂止舞蹈山呼及四拜儀禮司奏禮畢駕興禮部官捧詔書分授使者百官退嘉靖六年續定鴻臚官設詔案錦衣衛設雲蓋盤於奉天殿內東別設雲盤於奉天門上設絲輿於午門外鴻臚官設宣讀案於承天門上百官入丹墀侍立帝冕服升座如朝儀翰林院官捧詔書從至御座前東立百官入班四拜出至承天門外贊頌詔翰林院官捧詔書授禮部官捧至雲盤案上校尉擎雲蓋俱從殿

左門出至午門外捧詔置絲輿內公侯伯三品以上官前導迎至承天門上宣讀贊拜俱如上儀禮部官捧詔書授錦衣衛官置雲匣中以絲索繫之龍竿頌降禮部官捧置龍亭內鼓樂迎至禮部授使者頒行隆慶六年詔出至皇極門即奏禮畢駕還

迎接詔敕儀洪武中定凡遣使開讀詔敕本處官具龍亭儀仗鼓樂出郭迎使者下馬奉詔書置龍亭中南向本處官朝服行五拜禮衆官及鼓樂前導使者上馬隨

欽定四庫全書

明史
卷五十六

七

龍亭後至公廨門衆官先入文武東西序立候龍亭至排班四拜使者捧詔授展讀官展讀官跪受詔開讀案宣讀訖捧詔授朝使仍置龍亭中衆官四拜舞蹈山呼復四拜畢班首詣龍亭前跪問皇躬萬福使者鞠躬答曰聖躬萬福衆官退易服見使者並行兩拜禮復具鼓樂送詔於官亭如有出使官在則先守臣行禮進書儀惟實錄最重皇帝具哀冕百官朝服進表稱賀其餘纂修書成則以表進重錄書及玉牒止捧進茲詳

載進寶錄儀餘可推見云建文時太祖寶錄成其進儀無考永樂元年重修太祖寶錄成設香案於奉天殿丹陛正中表案於丹陛之東設寶輿於奉天門設鹵簿大樂如儀史官捧寶錄置輿中帝御殿如大朝儀百官詣丹墀左右立鴻臚官引寶輿至丹陛上史官舉寶錄置於案遂入班鴻臚官奏進寶錄序班舉寶錄案以次由殿中門入班首由左門入帝興序班以寶錄案置於殿中班首跪於案前贊史官皆跪序班并內侍官舉寶錄

欽定四庫全書

明史
卷五十六

總裁纂修等官朝服至館前監修官捧表置表亭中纂修官捧寶錄置寶輿中鴻臚官導迎用鼓樂繼蓋由會極門下墀至橋南由中道行監修總裁等官隨表亭後由二橋行至皇極門寶錄輿由中門入表亭由左門入至丹墀案前監修官捧表置於案纂修官捧寶錄置於案俱侍立於石墀東內殿百官行禮訖帝出御皇極殿監修總裁等官入進寶錄進表俱如永樂儀次日司禮監官自內殿送寶錄下殿仍置寶輿中用繖蓋與監修總裁官同送皇史宬尊藏

欽定四庫全書

明史
卷五十六

案入謹身殿置於中帝復座贊俯伏班首俯伏興復位贊四拜贊進表序班舉表案由左門入置於殿中贊宣表贊衆官皆跪宣訖俯伏興四拜進寶錄官退於東班百官入班鴻臚官奏慶賀各官四拜興贊有制史官仍入班贊跪宣制云太祖高皇帝高皇后功德光華纂述詳實朕心懽慶與卿等同之宣訖俯伏興三舞蹈又四拜禮畢萬曆五年世祖寶錄成續定進儀設寶輿香亭表亭於史館前帝宸冕御中極殿百官朝服侍班監修

祖父皇帝陛下皇后曰祖母皇后殿下若弟則自稱曰
第幾弟某封某稱天子曰大兄皇帝陛下皇后曰尊嫂
皇后殿下姪則自稱曰第幾姪某封某稱天子曰伯父
皇帝陛下叔父皇帝陛下皇后曰伯母皇后殿下叔母
皇后殿下若尊屬則自稱曰某封臣某稱天子曰皇帝
陛下皇后曰皇后殿下若從孫以下則稱從孫再從孫
三從孫某封某皆稱皇帝皇后曰伯祖叔祖皇帝陛下
伯祖母叔祖母皇后殿下至世宗時始令各王府表箋

欽定四庫全書

明史
卷五十六

俱用聖號不得用家人禮凡在外百官進賀表箋前一
日結綵於公廨及街衢文武官各齋沐宿本署清晨設
龍亭於庭中設儀仗鼓樂於露臺設表箋案於龍亭前
香案於表箋案前設進表箋官位於龍亭東鼓初嚴各
官具服次嚴班首具服詣香案前滌印用印訖以表箋
置於案退立幕次三嚴各官入班四拜班首詣香案前
贊跪衆官皆跪執事者以表箋跪受拜首班首跪授進
表官進表官跪受置龍亭中班首復位各官皆四拜三

舞蹈山呼四拜金鼓儀仗鼓樂百官前導進表官在龍
亭後東至郊外置龍亭南向儀仗鼓樂陳列如前文武
官侍立班首取表箋授進表官進表官就於馬上受表
即行百官退

鄉飲酒禮記曰鄉飲酒之禮廢則爭鬪之獄繁矣故儀
禮所記惟鄉飲之禮達於庶民自周迄明損益代殊而
其禮不廢洪武五年詔禮部奏定鄉飲禮儀命有司與
學官率士大夫之老者行於學校民間里社亦行之十

欽定四庫全書

明史
卷五十六

六年詔班鄉飲酒禮圖式於天下每歲正月十五日十
月初一日於儒學行之其儀以府州縣長吏為主以鄉
之致仕官有德行者一人為賓擇年高有德者為僎賓
其次為介又其次為三賓又其次為衆賓教職為司正
贊禮贊引讀律皆使能者前期設賓席於堂北兩楹之
間少西南面主席於阼階上西面介席於西階上東面
僎席於賓東南面三賓席於賓西南面皆專席不屬衆
賓六十以上者席於西序東面北上賓多則設席於西

階北面東上僚佐席於東序西面上設衆賓五十以下者位於堂下西階之西當序東面北上賓多則又設位於西階之南北面東上司正及讀律者位於堂下階之南北面西上設主之贊者位於阼階之東西面北上設主及僚佐以下次於東廊賓介及衆賓次於庠門之外僕次亦在門外設酒尊於堂上東南隅加勺罍用葛巾爵洗於阼階下東南簠一於洗西實以爵觶盥洗在爵洗東設卓案於堂上下席位前陳豆於其上六十

欽定四庫全書

明史
卷五十六

十一

者三豆七十者四豆八十者五豆九十者六豆堂下者二豆主人豆如賓之數皆實以菹醢至期賓將及門執事者進報曰賓至主人率僚屬出迎於門外主西面賓以下皆東面三揖三讓而後升堂相向再拜升堂執事者報僕至迎坐如前儀贊禮唱司正揚觶司正詣盥洗位次詣爵洗位取觶於篚洗觶升自西階詣尊所酌酒進兩楹之間北面立在坐者皆起司正揖僕賓以下皆報揖司正乃舉觶言曰恭惟朝廷率由舊章敦崇禮教

舉行鄉飲非為飲食凡我長幼各相勸勉為臣竭忠為子盡孝長幼有序兄弟恭內睦宗族外和鄉里無或廢墜以忝所生言畢贊禮唱司正飲酒飲畢揖報如初司正復位僕賓以下皆坐贊禮唱讀律令執事舉律令案於堂之中讀律令者詣案前向北立讀皆如揚觶儀有過之人俱赴正席立聽讀畢復位贊禮唱供饌執事者舉饌案至賓前次僕次介次主三賓以下各以次舉訖贊禮唱獻賓主降詣盥洗及爵洗位洗爵酌酒至賓前置於席稍退兩拜賓答拜又詣僕前亦如之主退復位贊禮唱賓酬酒賓起僕從之詣盥洗爵洗位如儀至主前置爵賓僕主皆再拜各就坐執事者於介三賓衆賓以下以次酌酒訖贊禮唱飲酒或三行或五行供湯三品畢贊禮唱徹饌在坐者皆興僕主僚屬居東賓介三賓衆賓居西皆再拜贊禮唱送賓以次下堂分東西行仍三揖出庠門而退里中鄉飲畧同二十二年命凡有過犯之人列於外坐同類者成席不許雜於善良之

欽定四庫全書

明史
卷五十六

十二

中著為令

三曰賓禮以待蕃國之君長與其使者宋政和間詳定五禮取周官司儀掌九儀賓客摺相詔王南鄉以朝諸侯之義故以朝會儀列為賓禮按古之諸侯各君其國子其民待以客禮可也不可與後世之臣下等茲改從其舊而百官庶人相見之禮附焉

蕃王朝貢禮蕃王入朝具迎勞宴饗之禮惟唐制為詳宋時蕃國皆遣使入貢所接見惟使臣而已明洪武二

欽定四庫全書

明史
卷五十六

五

年定制凡蕃王至龍江驛遣待儀通贊二人接伴館人陳蕃王座於廳西北東向應天府知府出迎設座於廳東南南向以賓主接見宴畢知府還蕃王送於門外明日接伴官送蕃王入會同館禮部尚書即館宴勞尚書至蕃王復其國服相見宴饗迎送俱如龍江驛酒行用樂明日中書省奏聞命官一員詣館如前宴勞待儀司以蕃王及從官具服於天界寺習儀三日擇日朝見設蕃王及從官次於午門外蕃王拜位於丹墀中道稍西

從官在其後設方物案於丹墀中道東西知班二位於蕃王拜位北引蕃王舍人二位於蕃王從官北鼓三嚴百官入侍執事舉方物案蕃王隨案由西門入至殿前丹墀西俟立皇帝服通天冠絳紗袍御殿蕃王及從官各就拜位以方物案置拜位前贊四拜訖引班導蕃王升殿宣方物官以方物狀由西陛升入殿西門內贊引至御前贊拜蕃王再拜跪稱賀致詞宣方物官宣狀承制官宣制訖蕃王俯伏興再拜出殿西門復位贊拜蕃王及其從官皆四拜禮畢皇帝興蕃王以下出樂作樂止皆如常見皇太子於東宮正殿設拜位於殿外皇太子皮弁服升座蕃王再拜皇太子立受蕃王跪稱賀致詞訖復位再拜皇太子答拜蕃王出其從官行四拜禮見親王東西相向再拜王答拜俱就座王座稍北禮畢揖而出見丞相三公大都督御史大夫皆鈞禮蕃王陛辭如朝見儀不傳制中書省率禮部官送至龍江驛宴如初二十七年四月以舊儀煩命更定凡蕃國來朝先

欽定四庫全書

明史
卷五十六

五

遣禮部官勞於會同館明日各具其國服如嘗賜朝服者則服朝服於奉天殿朝見行八拜禮畢即詣文華殿朝皇太子行四拜禮見親王亦如之王立受答後二拜從官隨蕃王後行禮凡遇宴會蕃王居侯伯之下凡蕃國遣使朝貢至驛遣應天府同知禮待明日至會同館中書省奏聞命禮部侍郎於館中禮待如儀宴畢習儀三日擇日朝見陳設儀仗及進表俱如儀承制官詣使者前稱有制使者跪宣制曰皇帝問使者來時爾國王

欽定四庫全書

明史
卷五十六

七

安否使者答畢俯伏興再拜承制官稱有後制使者跪宣制曰皇帝又問爾使者遠來勤勞使者俯伏興再拜承制官復命訖使者復四拜禮畢皇帝興樂作止如儀見東宮四拜進方物訖復四拜謁丞相大都督御史大夫再拜獻書復再拜見左司郎中等皆鈞禮凡錫宴陳御座於謹身殿設皇太子座於御座東諸王座於皇太子下西向設蕃王座於殿西第一行東向設文武官座於第二第三行東西向酒九行上食五次大樂細樂間

作呈舞隊蕃國從官坐於西廡下酒數食品同不作樂

東宮宴蕃王殿上正中設皇太子座設諸王座於旁東

西向蕃王座於西偏諸王之下東向三師賓客論德位

於殿上第二行東西向蕃王從官及東宮官位於西廡

東向北上和聲郎陳樂光祿寺設酒饌俱如謹身殿儀

或宰相請旨宴勞則設席於中書省後堂賓西主東設

蕃王從官及左右司官坐於左司教坊司陳樂於堂及

左司南極蕃王至省門外省官迎入從官各從其後升

欽定四庫全書

明史
卷五十六

七

階就坐酒七行食五品作樂雜陳諸戲宴畢省官送至

門外都督府御史臺宴如之其宴蕃使禮部奉旨錫宴

於會同館館人設坐次及御酒案教坊司設樂舞禮部

官陳龍亭於午門外光祿寺官請旨取御酒置龍亭儀

仗鼓樂前導至館蕃使出迎於門外執事者捧酒由中

道入置酒於案奉旨官立於案東稱有制使者望闕跪

聽宣畢贊再拜奉旨官酌酒授使者北面跪飲畢又再

拜各就坐酒七行湯五品作樂陳戲如儀宴畢奉旨官